

## 客途秋恨（唐健垣唱）

— 上卷 —

...

...

唉我哋幾回眷戀，總係難分捨，只為緣慳兩個字，就要拆散離驚。

【中板】淚灑西風紅豆樹，情牽古道白榆天。

嬌你杯酒臨歧同我餞別，就在望江樓上設下離筵。

你重牽衣致囑我個一段衷情話，要我要存終始兩心堅。

今日言猶在耳，已經成虛負，屈指如今又隔一年。

可嘆好事多磨從古道，半由人力半由天。

你風塵閱歷崎嶇苦，雞群混跡暫且從權。

唉恨我請纓未遂終軍志，駟馬難揚祖逖鞭。

只學得龜年歌調唐宮譜，遊戲文章賤賣錢。

只望裴航玉杵諧心願，我就藍橋踐約訪神仙。

個陣廣寒宮殿無關鎖，你話何愁好月不團圓。

點想滄溟鼎沸鯨鯢變，引起妖氛漫海動烽煙。

關山咫尺成千里，今日縱有雁札魚書總渺然。

近日聽得羽書馳諜報，報到話干戈撩亂，擾亂江村。

個啲崑山玉石都俱焚燬，所有避秦男女入桃源。

嬌呀你係紅顏命薄恐怕招天妒，最怕賊星來犯月中仙。

嬌花若被狂風損，一定玉容無主，倩誰憐。

你係幽蘭怎肯受那污泥染，一定拼送香魂玉化煙。

你話若然艷質遭兇暴，唉我願同埋白骨伴姐妝前。

或者死後得成連理樹，好過生前長在奈何天。

只望慈航法力可以行方便，就把楊枝甘露救出火坑蓮。

等你劫難逢凶俱化吉，所有災星魔障永不相牽。

虧我心似轆轤千百轉，空眷戀，【慢板】唉但得你平安願，

任你天邊明月，照向別人圓。【腔】

— 下卷 —

### 【乙反南音短板面】

【乙反】我聞擊柝，夜三更。只見江楓漁火照住我呢個愁人。

我幾度徘徊思往事，我都勸嬌唔好，為我咁癡心。

我話風流不少憐香客，羅綺還多惜玉人。

自古道煙花誰不貪豪富，做乜你偏把深情向住小生。

我係窮途作客囊如洗，擲錦纏頭愧未能。【短腔】

### 【乙反南音單序】

記得嗰晚填詞，我偶寫嗰一段胭脂井，你重合情相伴對住嗰盞銀燈。  
你又細問我曲中何故事，我就把陳後主嗰段風流講過你聞。  
講到兵困景陽家國破，歌殘玉樹後庭春。  
佢重攜住二妃，【拋舟腔】佢攜住二妃藏井底，佢話死生難捨意中人。 【地水腔】

【地水無限序】

【中板】唉！你聞聽此言多嘆息，讚佢風流天子更重情真。

...

...